

# STANISLAUS KOSTKA

*DRAMA SACRUM.*

AUTHORE

P. JOANNE LUCCARO

SOCIET. JESU.

*Biblioteca del Principe Gabriellini.  
Roma. 1804.*




*per L. Gaspard Nervi*

ROMÆ, MDCCIX.

Ex Officina Cajetani Zenobii Typographi, &  
Sculptoris Sanctiss. D N CLEMENTIS XI.  
propè Sanctum IGNATIUM.

---

*SUPERIORUM FACULTATE.*



CLARISSIMIS,  
NOBILISSIMISQUE  
COLLEGII PTOLÆMEI  
ADOLESCENTIBUS,

D. C. S. J.  
FELICITATEM.



*Um primùm divelli à  
Vobis, Adoleſcentes  
ornatiſſimi, eamque  
quam, & colitis, & ornatis inclytam Nomi-  
ne, atque Ingeniis Urbem linquere, valetu-  
dinis cauſâ debui; eâ altè Animo meo cogita-  
tio inbaſit, ut ſi quid uſpiam occurreret, un-  
de extare aliqua obſequii erga Vos mei ſigni-  
ficatio poſſet, non arriperem modo, verum etj.*

am & amplecterer, & exoscularer. Quid enim jucundius mihi, aut optatius accideret, qua si munusculo aliquo gratiam à Vobis ini-rem, quos non *Hetruria* solum elegantiarum *Parens* optima, sed *universa* quodammodo colit *Italia*, suspicitque. Hæc autem cum ego mecum agitarem, opemque ad id à Familiari-  
bus meis, & consilium poscerem, oblatum mi-  
bi forte fuit hoc *Drama*, quodd vobis nuncu-  
po, atque è re fore insinuatam, si vestris illud  
auspiciis, meaque operâ prodiret in lucem.  
Duo quippe erant, quæ commendare vobis  
donum, meumque in vos vestraque omnia stu-  
dium apprime possent; alterum nimirum *Dra-*  
*matis* argumentum; alterum *Author*. Nam  
ad primum quodd attinet, quid deniquè nobi-  
lissimis, pietatisque studiosissimis *Adolesenti-*  
*bus* offerri opportunius posset, quam clarissi-  
mus quidem genere, sed longe pietate, mori-  
busque clarior *Adolescens STANISLAUS*  
*KOSTKA?* in cujus nimirum singulari *Mo-*  
*destia*, generositate, constantiâ, vestros ipsi  
mores, vestras vivendi, agendique rationes  
dignoscere possetis, tutòque diligere: Nam  
cum cætera, quæ in vos impense natura cõges-  
sit nominum vestrorum decora, cum aliis etiam  
communia habeatis: ea tamen quæ in vos ab  
optimo *Vitæ* cultu, pietatisque studio proma-  
nant, vobis profectò ænis debetis; quamobrem

ve-

vestrum non esse non potest quidquid illustre  
est, & cum pietate conjunctum. Jam verò,  
quod ad alterum pertinet, is Dramatis hujus  
est Author, qui cum nomine se suo tueatur  
ac vindicet, vobis quidem certè probabitur;  
quibus probari optima solèt. Quis enim P. Jo-  
annem Luccari Societatis nostræ Virum omni  
bonarum artium cultu perpolitum, diùque in  
hoc Collegii Romani Athæneo Rethoricæ  
facultatis Præceptorem optimum de nomine  
saltem non noverit? Exim verò, si quisquam  
alius, tantam ipse est apud optimum quemque  
politioris præsertim litteraturæ famam, opi-  
nionemque assecutus, ut literariæ Reipubli-  
cæ interesse plurimum sapiens quilibet judi-  
caverit si aliquid ab illo exaratum typis com-  
mitteretur. At quod nunc oculis creditur,  
etsi leve robustioris ingenii rudimentum est  
(vix enim trigesimum ætatis annum Author  
impleverat cum hoc Drama conscripsit) ba-  
bet tamen, quibus Atticis probetur, & pla-  
ceat auribus, Veneres non exiguas. Quæ qui-  
dem omnia, cum præsertim accederet homi-  
num eruditissimorum suffragium, permove-  
runt me ut ab optimo sene quocum ego versari  
sæpe soleo, Drama hoc, quod vobis inscribe-  
rem, non poscerem modo, verum etiam efflagi-  
tarem; & quamvis (quæ est ipsius modestia  
singularis) id ipse, semel, iterum, tertio re-

fugerit ; indulſit denique precibus hoc meis ;  
& quotidiano, quod Quintilianus agebat, con-  
vicio ceſſit .

*Vos ergo leſtiſſimi Juvenes, excipite eà qua  
ſoletis benevolentia , atque humanitate obſe-  
qui erga vos mei monumentum hoc quale-  
cumque , atque in ipſo , & Animum in vos  
meum, & alacre Auctoris ingenium, & piſtos  
affabrè Stanislai mores Sanctiſſimos, & , quod  
caput eſt , veſtram in Stanislaum pietatem, in  
Autharem , opinionem, in me comitatem pro-  
bate . Valete .*

**Romæ ex Collegio Romano Kalendis  
Februarii 1709.**

122

*DRAMATIS ARGUMENTUM.*

**S**TANISLAUS è clarissima KOSTKÆ in Polonia stirpe ortus, ab ipsa Infantia pietati addictus, pietati crevit. Certus Deiparæ ope, & suasu, Societati Jesu nomen dare, dum opportunitatem implendi consilii quærit, Viennam in celeberrimam Austriæ Urbem cum Paulo Germano suo, studiorum gratiâ à Parente missus est, & ab eodem Paulo, qui Stanislai moribus nullâ tunc quidem ex parte consentiebat, divertere apud Lutherianum Hospitem est coactus. Nihil inde tamen periculi ipsius pietati creatum; nam & hospitium bonis cæteroqui moribus inauspicatum, Stanislai gloriæ serviit, & Hospes qui inficere illum Lutheriana lue, & prodromâ suis voluptate omni ope tentaverat, robusta ejusdem modestiâ, castimoniâ, constantia victus, in Orthodoxorum castra cum Filiis suis, abdicato molli Vitæ cultu, migravit. Paulus verò Fratris, cum præclaris facinoribus, tum eximiâ in primis tolerantia permotus, meliorem ad frugem recepit se. Stanislaus denique qui tanta gessit bella, dum bellum parat, clam fugâ Romam versus Cœlicolum auspicio molitus, voti compos est factus initâ Jesu Societate. Hinc Dramatis argumentum habes; quam verò apte argumento Drama respondeat judicium penes te esto.

# RAINERIUS CARSUGHIUS

## SOCIETATIS JESU

In Provinciâ Romanâ PRÆPOSITUS  
Provincialis.

**C**um Drama, cui titulus : STANISLA-  
US KOSTKA, a P. Joanne Lucca-  
ro nostræ Societatis Sacerdote conscriptû,  
*aliquot ejusdem Societatis Theologi recogno-  
verint, & in lucem edi posse, probaverint,*  
*potestate nobis à R. P. Nostro Michaelæ*  
*Angelo Tamburini Præposito Generali, ad*  
*id traditâ, facultatem concedimus, ut typis*  
*mandetur, si ita iis, ad quos pertinet, vide-*  
*bitur. Cujus rei gratiâ, has literas, manu*  
*nostra subscriptas, & sigillo nostro munitas*  
*dedimus.*

Romæ die 26. Januarii 1709.

Rainerius Carsughius.

Impri-



*Imprimatur,*

Si videbitur Reverendissimo Patri Magist.  
Sac. Palat. Apost.

*Dominicus de Zaulis Episc. Verulanus  
Vicesger.*



**E**X commissione Reverendissimi Patris Paulini Bernardinii Sac. Palatii Apostolici Magistri vidi Sacrum Drama ingeniosè, & concinnè elaboratum; cumquè nihil contineat à Fide Catholica, & bonis moribus dissonum, immò pietatem, ac elegantiam redoleat, dignum censeo ut typis vulgetur. Datum Romæ in Collegio D. Thomæ apud SS. Vincentium, & Anastasium in Trivio die prima Februarii 1709.

*Cajetanus Corazza Cler. Reg. Minorum  
Sacrae Theologiae Lector.*



*Imprimatur,*

Fr. Jo: Baptista Carus Magister, & Reverendiss. P. Paulini Bernardinii Sac. Apostol. Palat. Magistri Socius Ord. Præd.

A 5

ACTO-

# ACTORES

## IN PROLOGO.

ESAU.

JACOB.

## IN IPSO DRAMATE.

B. STANISLAUS KOSTKA.

Paulus Stanislai Frater natu Major.

Nicander Conscientiæ Moderator.

Phyletes Morum Magister.

Gormandus Lutheri Affecla.

Boemundus ) Gormandi Filii.

Cratillus )

Pyraestes Chacodæmon Juvenis formosi  
specie.



STA.

# STANISLAUS.

## D R A M A.

### PROLOGUS.

*Esau, Jacob.*

*Es.* **E** Sau ferarum domitor, in fratrem fera;  
 Pretiosus emptor ille famulatus mei,  
 A patre natus degener; ab avo nepos;  
 Et, quo superbit noster in pœnis dolor,  
 Tonantis odio dignus; invisum diem  
 Libare rursus cogor, & Cœlum pati,  
 Quo fruitur hostis frater. Æthera: domus  
 Inimica lucis ora percussit nitor.  
 Juvat relabi noctis in cœcum chaos.  
 Tenebrosa dicis antra me minùs premunt,  
 Quàm regna fratris. Crucior infelix quâ  
 Jacobe gravius sorte, quàm flammis meis.  
 Redibo in umbras umbra: Tenarii lacus  
 Repetam paludes; Tenarum at mecum gero;  
 Ubique nostrum pœna comitatur scelus:  
 Ubique culpa est carnifex, vindex Deus.  
 Cruciatur Esau. Nulla supplicio vacant  
 Momenta. Tristi corda pœnarum gero  
 Foecunda sobole. Pullulo in clades meas,  
 Pereoque semper umbra, quæ perii semel.  
 Neque hic malorû cumulus: In Cœlum stygem  
 Transferre cogor. Fratris æternum decus  
 Me torquet, & me laniat. Est Jacob mihi  
 Cerberus, Erynnis, Hydra, Gorgoneum caput.  
 Ille mihi puero prælum indixit puer.  
 Palæstra matris uterus ambobus fuit:  
 Utinam fuisset tumulus. Ego primas tuli.  
 Extorsit ille jura primatus dolo,

Fratremque iussit: dona præripuit Patris;  
 Præripuit insuper astra, præripuit Deum:  
 Sed fugiat ipse noxias Esau manus.  
 Non fugiet unquam quisquis infensum sibi,  
 Nocturnumque, rectus ipse, & innocuus poterit  
 Sentire fratrem. Clara Chostcarum domus.  
 Ferax Dynastis, grande Sarmatiae decus  
 Viget aucta geminis fratribus, dispar movet  
 Utriusque mentem cura; quodque alter fugit,  
 Sectatur alter: studia diversos irahunt:  
 Me major æmulatur; at fratrem minor:  
 Illum voluptas laxat; hunc frænat pudor,  
 Ibo ibo in odia Fratrum, & antiquum novo  
 Cumulabo scelere crimen, inveni viam,  
 Qua fratris oculos vulnerem: hac pergat furor;  
 Hac vincat Esau. Fratris in pœnas ruat  
 Major minoris: plectat infontem Reus:  
 Iniquus Æquum vexet, exagitet, premat.  
 Sed heu quid ignes inter obrigui gelu?  
 Quis me repente civis Astrorum fugat?  
 Jacobus est: incœpta dissolvat mea,  
 Dehisce tellus; fratris aspectum horreo.  
*Jac.* Delapsus aula pacis, & Divum domo (a)  
 Fœcundus Israël, atavus infantis Dei,  
 Regumque felix genitor huc pacem Fero.  
 Patuere fratris odia & audaces doli.  
 Teneo quid intus agitet alieni otii  
 Fastidiosus Animus, & quantam struat  
 Chostchis ruinam. Nota fraus, nota est manus.  
 Libet ire contra: facibus eripiam tuis  
 Devota Cœlo capita Fraternalis furor.  
 Fratres tuebor Sarmatas. Pauli manu  
 Chostchæ minoris eruiam innocuum caput,  
 Profugumque Juvenem ducam ad optatos lares,  
 Ubi vota cordis expleat Jesu comes,

Da-

(a) Patriarcha Jacobus Cœlo delabitur fratris  
 molimina destructurus.

Dapibusque sacris frugis æternæ satur  
 Proludat astris. Paulus Interea truces  
 Deponet æstus mentis, & fratrem induet,  
 Cœli repente victima, & victor stygis.  
 Meam ergo referet fuga Stanislai fugam;  
 At Paulus Esau stabile non refert scelus.  
 I nunc superbe livor, & fratrem feri.

# ACTUS PRIMUS

## SCENA PRIMA.

*Gormandus Lutheri affecla, Boemundus,  
 Cratillus Gormandi filii.*

*Gor.* **R**oseum sepultis nunciat terris diem (put  
 Cristata volucris fluctibus erythræ ca-

Promente Phœbo. Membra destituit sopor,  
 Repetitque terras dura curarum Cohors.

Vos usque somnus urget, & nunquam satis  
 Excutitis oculis noctem. Inoffensos refert  
 Difficile gressus arduam quisquis terit

Sopore gravidus orbitam, & qui amat moras,  
 Divina cum res agitur, hic nunquam est vigil.

*Bo.* Quorsum ista genitor? Fare cur nondum tibi  
 Vigiles videmur? Nostra quæ tan' em est mora?  
 Divina quæ res agitur? In aperto est nihil.

*Gor.* Lutherus aptam stravit ad superos viam,  
 Et quod reliquit ipse doctrinæ Jubar  
 Divina res est. *Crat.* Nemo id in dubium vocet.

*Gor.* At vos vocatis. *Crat.* Absit. Est præceps salus,  
 Religio cum vacillat. *Bo.* Æternum perit  
 Quicumque veri semitam ignavus premat.

*Gor.* Vos premitis ignavi. Peregrinus puer (a)  
 Cum

(a) *Increpat Hereticus filiorum segnitiam in cau-  
 sa Lutherianæ religionis.*

Cum Fratre adulto Sarmatum Argenti solo  
 Deductus huc, ut nostis, & nuper mihi  
 Alite sinistro junctus hospitio, palam  
 Sacra execratur placita, quæ promptis pio  
 Luterus ore. Jamque religio viget  
 Romana nostris laribus, & serpit lues,  
 Spectante me. Quid agimus? haud semel fuit  
 Levis favilla spreta multorum rogus.

Tam grave, priusquam robore augeſcat, malum  
 Opprimite, nam, si crescat, heu quam dabit  
 Segetem dolorum! Jura, Justitiam, Fidem  
 Romanus ille morbus in pestem trahit.

Ego jam seniles fronte contraxi notas,  
 Genibusque titubo sarcina annorum gravis.  
 Ingenia Juvenum facile non flectit senex.

Horret Juventus capitis effœti nives,  
 Vos, o senectæ dulce præsidium meæ, (a)

Vos junioris advenæ blandis modis

Capere potestis pectus errorum tenax.

Suadela dulcis unice hunc petat scopum,

Et blandientis oris huc tendat lepos,

Ut insulato Præsidi obstrictam novæ

Babylonis (utique nomen hoc Romam decet)

Malefidus hic Polonus excutiat fidem,

Avidoque totum corde luterum bibat, (b)

Bo. Quæ prima Juvenis mente religio stetit

Persistet hæc extrema. Vix longus labor

Evertit id, quod longa duravit dies.

Cra. Non sic profundi stirpe multiplici occupat

Annosa quærcus fertile ingenium soli;

Non sic adhæret corpori innatus vigor,

Animoque corpus, hominis ut mente insident

Cum lacte matris hausta majorum sacra,

Sint penitus execranda. Nil tenacius

Hu-

(a) Pater hæreticus hortatur filios, ut Stanislaum  
 per Blanditias ad Iuterianam sectam alliciant,

(b) Repugnant filii, & rei difficultatem ostendunt.

## P R I M U S :

S

Humana retinent corda , quàm superis fidem  
Semel obligatam . Pace jam dicam tua ,  
Jusso facinori genitor haud sumus pares .

*Gor.* Est scilicet grande facinus , & ingens labor  
Puerile pectus vincere . *Crat.* Haud secus reor .  
Pueros religio Patria Gyganres facit .

*Gor.* Faciat . Gygantum capita prosternit Deus .

*Crat.* Qui nempè pueri sarmatæ votis favet .

*Gor.* Erras Cratille . Vota fortunat Deus  
Luterianæ sobolis . Infanda , horrida ,  
Impia Tridenti jura , deliri senes  
Quæ somniarunt , odit Aërorum potens (men  
Dominator . *Crat.* Et nos odimus Hic hospes ta-  
Quæ jura dictis astruit , factis probat .

*Gor.* Improba probare facta jus nullum queunt .

*Crat.* Ratione quod sit improbum vocas Pater ?

*Gor.* Sacra Vaticanæ legis , & Romæ fides  
Ratione non probantur . *Crat.* Et tamen vigent .  
Quippè rationi consona , in speciem licet  
Adversa . Sed quam sola , quæ falli potest ,  
Humana ratio firmat , infirma est fides .  
Religio Romula jactat Auctorem Deum ,  
Ab Homine nostra originē , & vitam trahit . (a)

*Gor.* Allucinaris nate . Nostra nititur  
Puris sacratæ paginæ verbis fides ,  
Quæ promptis is , qui fallere haud potest Deus .  
Nos illa rectè accipimus , ut sonant ; malè  
Torquent Latini , & litteram occidunt , metu ,  
Ne à littera occidantur . O præposteræ  
Stolidum timorem gentis ! O dirum nefas  
Censere vitæ à pabulo exitium trahi !  
Jam quæ corona triplici inflatus jubet  
Romæ Tyrannus dogmata à cunctis coli ;  
Recipique ceu Divina Christiadum plagis ,  
Ex parte magna parta ab hominibus nihil

Cæ-

(a) Pater hereticus Catholicam fidem elevare  
conatur , & luterianam extollere .

Cœleste sapiunt. Noster his meritis fidem  
Luterus abrogavit, hæc nugas vocans. (a)

Vir ille porro Saxonum æternum decus,  
Mentem superno Flammine imbutus, novum,

Cœloque fidum peperit in terris gregem,

Ab Impiorum genere Secernens pios.

His nullus angit corda venturæ timor.

Post fata sortis. Astra jam tenent manu. (b)

Ea namque nullis debita operibus rati,

Fidei sed uni pervia, expertes metu,

Vacunque curis aureos ducunt dies.

*Crat.* Utcumque se res habeat, haud moror Pater  
Mihi Imperare, ut vocibus credam tuis.

Luterianas flectere ad partes tamen

Nec fratris hujus, verba nec poterunt mea.

Chostcham minorem. Pectus in patria geris

Fide obstinatum. Noster incassum labor

Fundetur, & pro laude ludibrium feret.

*Bo.* Desiste Frater Patris Imperio decet

Parere natos, arduum quamvis opus

Imperet: inausum pectore animoso nihil

Relinque, Patris prosperè ut votum cadat.

*Crat.* Surdo Canemus fabulam. Immotus puer

Nos ad Latina potius adducet sacra,

Quàm nostra prono pectore admittat. Rogo,

Majus aliundè robur ut quæras, mihi

Nulla superandi Sarmatæ constat via. (c)

*Ger.* Viam docebo. Corda nil citius domat,

Sectæque nostræ ad Castra facilius trahit

Quàm

(a) Laudat Luterum. (b) Luteranorum opinio  
de imbecillitate operum, & unius fidei robore, & ef-  
ficacia ad salutem animi asquirendam. (c) Ossendit  
Pater hæreticus quanta sit vis, & potentia volupta-  
tis ad corda hominum utcumque sortium emollicenda,  
& filiis persuadere conatur, ut Stanislaum, utpotè  
juvenem voluptati opportunum, ad illius prosecutio-  
nem impellant.



Quàm vita mollis. Fœda quod morbilues jus,  
 Quod Sæva Martis ira, quod constans labor,  
 Quod concitata plebis indomitus furor,  
 Quod ipse mortis horridæ haud potest rigor  
 Frangere, voluptas frangit. Hæc validos Duces,  
 Proceresque Cellos, quodque mireris magis,  
 Rigida volentes jura Claustrorum Viros  
 Vi præpotente vicit. Hæc illos gravi  
 Pressa Laterani præsulis Tyrannide  
 Solvere coëgit colla, & ejus vindicem,  
 Posita priori mente, Luterum sequi.  
 Hæc est petendus Advena. *Crat.* Inventû sagax  
 Amplector alacris. Nempe blanditiis potens<sup>(a)</sup>  
 Omnia voluptas vincit Hæc placet via, (gem  
 Per quam trahendum Sarmatam ad nost. ū gre.  
 Et amovendum à Romula ostendis fide,  
 Nam captiosis mollis illecebræ plagis  
 Inventus, utpotè lubrica, in primis patet;  
 Fidesque Vaticana non aliter potest,  
 Quàm blanda per solatia in cladem trahi.  
*Gor.* Sapis Cratille, *Crat.* Corda sed Pauli prius  
 Tenenda iudico. *Gor.* Stanislai pete  
 Pectora. Pudoris Paulus excussit Jugum,  
 Jam jamque noster est: voluptatem colit.  
*Crat.* Patris exequamur jussa Boëmundæ ocyus.  
*Bo.* Mos tibi geretur genitor. Imbellis Puer  
 Manus catenis mollibus victas dabit.  
*Gor.* Abite celeres. Facinus haud patitur moras.

SCENA SECUNDA.

*Gormandus, Chacodæmon voluptatis Instigator  
 sub forma Juvenis.*

*Gor.* **P**ARS sceleris est perpetrata, non totum scelus.  
 Perge anime, & aliquid. Fraude vulgari al-  
 Meditare. Castę pertinax mentis pudor, (tius  
 Ani-  
 (a) Duo Juvenes patri assentiuntur, & operi ab  
 eo jussu se accingunt.

Animique vis invicta puerorum dolis  
 Non facile succumbet. Stanislaum nequit  
 Juvenilis astus flectere ingenii, nequit (a)  
 Flectere senilis. Fraudis insuetæ via.  
 Grassabor audax. Dexteram haud rudem affero  
 In damna, stygii miles emeritus ducis.  
 Thessalica novi carmina, & quidquid fovet  
 Dirum, execrandum, pestilens, atrox, serum  
 Jolcos, & Iberia venenorum ferax,  
 Versare magicum turbinem, infernam chaos  
 Tristiciere cantu, avernales aquas  
 Spargere, rubetæ Sanguine Draconis Jecur  
 Miscere didici. Manibus haud semel meis  
 Est de Sepulcris caprificus eruta,  
 Et mortuorum fusus in pateras cinis,  
 Arbitria ut hominum verterem ad nutus meos.  
 Hæc hæc malorum virga facinorum artifex,  
 Duri satelles Imperj est testis meæ  
 Opulenta fraudis: hæc vel invitum traham  
 Ad vota Juvenem. Namque tergeminiis humum  
 Si cingat orbibus, illico erumpet malus  
 Acheronte ab imò turpis illecebræ parens.  
 Illum pudori Sarmata opponam tuo. (la;) (b)  
 Age virga quid cunctare? ter in Orbem ambu-  
 Ter quate cita solum, sordidumq; ab inferis (c)  
 Libidinosæ tabis auctorem excita,  
 Huc pudicæ mentis hostis pertinax,  
 Tyranne blande cordium, cupidinis  
 Pravi repertor, sæve dedecorum Faber,  
 Dolosa Syren, callide pudoris latro,  
 Huc concitatos Tartaro gressus move,  
 Sed quæ ora fingis exhibe, non quæ geris.  
 Deformis es, cruentus, immitis ferox,  
 Ego

(a) Hæreticus parum fidens puerorum ingeniis  
 convertit se ad opera magicæ artis, qua erat instru-  
 tus. (b) Virga magica tres format in pavimento  
 circulos. (c) Ter virga percutit humum.

## P R I M U S :

9

Ego te venustum, blandulum, mitem volo.  
 Dedisce naturam, oris inimici exue  
 Œda simulacra, fraudibus & aptam tuis  
 Mollre frontem. Pinge Juvenili genas  
 Flore, rubicundus niteat in vultu color,  
 Frontem serenet purpura, oculorum vigor  
 Certet pyropis, fluitet in labris lepos;  
 Mentire ephœbum impuberem, quales fovet  
 Vienenſis aula plurimos, gravius nocent  
 Quæ blandienti tela vibrantur manu.

Iam quid moraris? rumpe tenebrosam specum.  
 Gormandus imperat, Erebo notum caput.

ac. Adsum pudoris helluo, & mundi lucis, (a)

Cujus superbis turba mortalis flagrat  
 Exusta facibus, corda cui Regum litant,  
 Cui spontè fasces Cæsares curvant suos,  
 Quid imperat Gormandus? Gor. Ignibus tuis  
 Inimicus ignis teſta populatur mea,

Luteri & intra parietes viget pudor,  
 Fidesque Romula. Causa præſentis mali  
 Eſt mihi Polonus hospes, ex geminis minor  
 De ſtirpe Regum fratribus. Choftcas vocant,  
 Ille ille tumidus nivibus incédens ſuis

De triumphat, & ſuperbifico pede  
 Tua tela calcat victor: Ah tantum probrum  
 Depelle. Vinci pudeat imbelli manu,  
 Quem ſulminante dextera victum pudet.

ac. Impunè nemo tela contempſit mea.  
 Habet hoc voluptas mollis, ut majus trahat (b)

E cæde robur. Vultu haud ullo perit  
 Hac Excetra novis uſque capitibus ferax.  
 In homine tamdiu voluptati eſt locus,  
 Vitalis auræ ſpiritum donec bibit.

Meo Gygantes capita ſubjiciunt Jugo:

Mihi

(a) Prodit ab inferis Chacodemon decori juve-  
 ſformam aſſimulans, ut erat juſſus à mago.

(b) Chacodemon ſuas vires jaſtabundus extollit:

Mibi servit orbis . Nostra vitavit semel  
 Polonus iste tela , non semper dolos  
 Fugiet latentes. *Gor.* Perge, te comitem meis (a)  
 Adjunge natis . Funde pellacem sonum,  
 Et blanda ab ore verba versuto fluant .  
 Incumbe n astus undique, atq; omnem explica  
 Turbam leporum . Regna sarmatiæ petit  
 Fraus ista . Nam Luterus hac Serpens via  
 In frustra grande Teutonum imperium scidit .  
*Chor.* Bene ominaris . Regna nil citius secat ,  
 Quàm secta discors. *Gor.* Perge jam bellū vocat .

## SCENA TERTIA.

*Paulus , Stanislaus , Phyletes Magister morum .*

*Pa.* **P**omifer amēnos retulit autumnus dies, (b)  
 Qui nostra tandem colla Palladio jugo  
 Gravata recreent . Corda jam curis levet  
 Libera Juventus . Nulla luminibus fugent  
 Reducem soporem studia . Certatum satis  
 Est erudito in pulvere , & sudoribus  
 Sat pagina maduere . Sollicitam Diu  
 Frontem explicemus , & minervalem procul  
 Curam exigamus . Proterit dies diem ,  
 Tumulatur annus , pristinos bruma imminens  
 Referet labores . Ergo dum tempus favet ;  
 Pomona dum luxuriat , arbores replens (c)  
 Nemus omne sætu ; & languido arentem sinu  
 Permulcet auræ grata temperies humum ,  
 Reficitque lentus humor irrigui Jovis ,  
 Arcente flammæ torridi Erigone canis ;  
 Dum gesticientis insolens amœnitas  
 Telluris , & benignus astrorum nitor

*Jucun-*

(a) *Exponit Magus q̄ id fieri velit à Dæmone .*

(b) *Duorum fratrum mores diversi ; & invicem  
 oppositi per ipsorum verba exprimuntur .*

(c) *Describitur autumnalis amœnitas ;*

Jucunda nos allec̃tat ad solatia ,  
 Servire genio libeat , & donis frui  
 Etatis , & naturæ . In Augusto foro (a)  
 Levis histriõnum turba , permisti senes  
 Juvenibus hodiè ludicri ad populum dabunt  
 scenam Theatri . Læta ludentum cohors  
 Luctum cothurno amabilem , socco jocum  
 Hilarem ciebit , exprimens rerum vices ,  
 Hominumque mores . Edet argutum melos  
 Chorus , agiliq̃ue tundet Orchestram pede ,  
 Modulante plectri murmure effusos gradus .  
 Par est , ut illuc nostra referatur quies , (b)  
 Quo tota certatim unda popularis fluet .  
 1. Falle otium frater alibi , & mentem exue :  
 Fulit in Theatris sæpè naufragium pudor .  
 Ad sacra potius templa vertamus gradus ,  
 Ubi ritè regnat cereas inter faces  
 Parvæ sub orbe cereris inclusus Deus .  
 Is nostra melius otia excipiet locus .  
 2. Quid usque perstas durus , intractabilis  
 Optata votis ludere adversis mea ? (c)  
 Patent in horas templa ; non tamen patent  
 Theatra in horas . Ludicra quotannis semel  
 Spectacula celebrantur Augusto in foro ,  
 Quæis destinatur locis hodiernæ jubar .  
 3. Lucis hodiernæ destino templis jubar . (d)  
 4. Qui nescit uti , dum licet , vitæ bonis ,  
 Is ante mortem moritur . Sta . O dictum benè !  
 Placet ante mortem occumbere , ut nunquàm oc-  
 Non læva mortis tela properatis pavet (cidam .  
 Quicumque vivus fata prævertit sua ,  
 Peritque Mundo spontè , ne pereat Deo .

Pa.

(a) Iudi scenici describuntur . (b) Ad eos ludos  
 ulns rult proficisci repugnante Stanislaõ , qui  
 templa potius ipsi eundum esse contendit .

(c) Increpatur Stanislaus à Paulo . (d) Perstat  
 sententia Stanislaus .

*Pa.* Tu morere, si mors placuit, & vivus tuo  
 Prolude tumulo, Libera, & felix meo  
 Arridet animo vita. Stultitiæ est genus  
 Felicitate nolle, si possis, frui. (a)

*Sta.* Felicitas est Animus à labe integer.

*Pa.* Felicitas est liberæ mentis vigor.

*Sta.* Qui sibi scit imperare liberum puto.

*Pa.* Violenta qui sibi imperat, servit suæ  
 Acerbitati, fitque per pœnas miser.

*Sta.* His vera pœnis constat in terris quies,  
 Emiturque in axe palma, quæ semper viret.  
 Laboriosis usque muneribus patet  
 Superna, quæ vim patitur, astrorum domus,  
 Animosque segnes arcet. *Pa.* Hæc à tristibus  
 Sata cœnobitis dogmata sequantur senes,  
 Florem Juventæ dedecent: curas graves,  
 Omnemque nostræ renuit ætatis tenor  
 Austeritatis tetricæ acrimoniam.

*Sta.* Virtute Juvenes indigent æquè ac senes,  
 Laudemque Senio strenua juvenus parit.  
 Quod quisque didicit Juvenis, id retinet senex.

*Pa.* Curare quid retineat annosum caput,  
 Jamque Libitinæ proximum est vanus labor.  
 Præsentis horæ capere nos donum decet;  
 Et ad theatra tendere hoc juvat die.

*Sta.* Perennis ævi quærere instanter bona,  
 Et hoc adire templa nos juvat die.  
 Damnum è theatris trahitur, è templis lucrum.

*Pa.* Jam parce verbis; quæque germanus jubet  
 Ærate major, sequere germanus minor.

*Sta.* Si recta frater imperes major, sequar.

*Pa.* Jucunda major impero. *Sta.* Vetat Deus:

*Pa.* Mortalium vis facere tortorem Deum?

*Sta.* Est ille tortor mitis, & nocua secans  
 Chirurgi ad instar ulcera, ægrotis opem  
 Accelerat animis, quosque ab hominibus premi  
 Sinit.

(a) *Varia dissidia inter fratres.*

Sinit, & acerbæ fortis assiduis quati.  
 Pulsibus, amicè recreat; atque inopum bibit  
 Miserante fletu ore. *Pa.* Rumpamus moras.  
 Certum est theatra petere: præcedam prior.  
 Istum Phyleta vel reluctantem trahe.  
*Phl.* Animum coërce Paule, quæ frater monet;  
 Meliora velut, & consona ambobus probo.  
 Plerumque scenica pompa nil sanum parit.  
 Blanditur oculis illa; sed mentem gravi  
 Percellit ictu; quippè dum vaser mala  
 Imitatur Histrio crimina, in crimen trahit  
 Spectantis animum. Quisquis alienum exprimit  
 Quocumque nomine virium, errare is docet.  
 1. Canis ista surdis auribus. Pergam. Vale (a)  
 2. Ah Paule Paule comprime ferocem impetum  
 Fugit sagittæ more. Fugientem sequar, (b)  
 Ne fortè sibi relictus in præceptu ruat.

SCENA QUARTA.

*Stanislaus, Boëmundus, Cratillus.*

1. **A** Biere: nemo est. Solus grummas meas (c)  
 Meum ipse recolam Parce si tecum que-  
 letu meorum meta votorum ultima. (rat  
 Cur frater à me pectus alienum gerit?  
 Cur me pudori cogit infensos lares  
 Dolere, ubi turpis habitat errorum lues?  
 Sed alacris æquo perfero hæc animo mala.  
 Et acriorem cupio pressuram pati,  
 Tenaciori vinculo ut jungar tibi  
 Ardor pudici pectoris, amantum quies.

Cratille nostris ausibus casus dedit (bus:  
 Tempus, locumque idoneum, utendum arti-  
 En

a) *Paulus Spretis Phyletæ consiliis, & relicto  
 tre pergit ad ludos.* (b) *Eum sequitur custodia  
 sa Phyletes.* (c) *Stanislai assilus in Deum  
 vatorem.*

- En solus est. *Sta.* Meas quis abruptit preces ?  
 Boëmundus, & Cratillus huc tendunt gradus.  
*Bo.* Salve ô Lechiadum palmes illustris ducum.  
*Crat.* Salve propago Principum, quos viftula  
 Veneratur, Iftro & Æmulus Boriftbenes.  
*Sta.* Salvete vos quoque Juvenes: quorſum pedes  
 Huc ferre placuit? Fronte quid curis gravem  
 Præfertis animum? Num quid adverſum acci-  
*Bo.* Tuæ ſalutis cura ſollicitam tenet (di-  
 Utriusque mentem. *Sta.* Miror id monſtri. Meæ  
 Salutis avidos veſtra nil movet ſalus?  
*Bo.* Movet. Sed animus noſter in gremio ſedet  
 Placidæ quietis, noſque naturam ducem (a)  
 Seſſamur; & quos volucris annorum rota  
 Involuet, inter lucra numeramus dies.  
 Fruimur Juventæ flore, dum vernant genæ,  
 Morofa donec fronte canities abeſt.  
 Tū tibi rebellis optimum vitæ ſinis  
 Effluere tempus. Nulla te mulcet quies.  
 Oculis ſoporem denegas, ori dapem:  
 Humeros flagello, latera dentato petis,  
 Repetiſque ferro. Siſte violentum impetum;  
 Placare naturæ; voluptati lita.  
*Sta.* Levishæc voluptas vulnus infligit grave.  
 Volat illa vento citior; at vulnus fibras (b)  
 Agit altè in imo pectore, nec unquam ſatis  
 Aboletur: hinc reſidua perpetuò manet  
 Veluti cicatrix labis infaſtæ nota.  
 Morari in una ſede virgineus pudor  
 Nequit, & voluptas. Mollia pudorem fugant,  
 Pelluntque blandimenta, queis animos nocens  
 Cupido lætat. Illa deficiunt brevi:  
 Pudoris at vis nulla jacturam poteſt

Re-

(a) Duo fratres, Gormandi hæretici filii Stanif-  
 laum omnibus modis ad vitæ jucunditatem, & vo-  
 luptatis uſuram hortantur. (b) Repugnat Stanif-  
 laus, & quam ſit noxia voluptas oſtendit.



Reparare . Semel hic perditus nunquam redit.  
*at.* Nihil opus est , ut redeat humanæ ferox  
 Pudor iste mentis carnifex : procul truce  
 Abige Tyrannum corde . Si quoquam ferax  
 Effet voluptas vulnere , haud illi sacer  
 Dedisset operam liberi ductor gregis  
 Luterus , animum solve . Genialis joci  
 Ingredere castra . Sequere Luterum Ducem .  
 2. Detestor , horreo , ab dico , ejuro , execror  
 Sonum nefandi nominis Christum sequar .  
 Laboriosa Christus incessit via .  
 Divina rigidum membra sulcavit flagrum : (a)  
 Pupugit decoram textilis frontem dolor :  
 sacri cruorem pectoris mucro bibit ;  
 Fixitque gemina cuspis extensas manus .  
 Quàm vera narrat ! *Cr.* Vera . Nil horum negat  
 Luterus . *Sta.* Ergo cur voluptatem docet (b)  
 Alter Epicurus , & alter in terris Mames ?  
 Cur impudicæ Cypridi addictus fovet  
 Alimenta luxus fœda & impuras faces ?  
 tibi non cohæret nebulo . Nam pugnant simul  
 Triplici fateri cuspide affixam Cruci  
 Humanæ amictu carnis indutum Deum ;  
 Perque repetita pocula , & opimas dapes  
 Et per pudenda mille dedecorum probra  
 Turpem salaci pectore erycinam sequi .  
 Jovus iste doctus , & simul nefarius  
 Venerator , & corruptor in causa gravi  
 Trævaricatur : Nempè quam summus palam ,  
 Et suavit , & sustinuit astrorum sator  
 Commendat ore , damnat operibus Crucem .



B

SCE.

a) *Exponuntur à Stanislao Christi Domini crucis .*  
 b) *Luterus secum ipse pugnavit ostenditur .*

## SCENA QUINTA.

*Chacodemon voluptatis inflinſor Boëmundus,  
Gratillus, Stanislaus.*

- Chac.* **F**elix nimum qui præcipitis  
Memor ætatis molles inter (a)  
Vitæ illecebras dulcia carpit  
Poma Juventæ, nec ſollicito  
Pectore curas turbidus haurit,  
Nec per dubium virtutis iter  
Vagus ambiguis gressibus errat.  
Ævo celeri traditur ævum,  
Lapſa nec iterum sæcla recurrunt.  
Nunquam præſens hora reduxit  
Quidquid fugiens perdidit ætas.  
Ducite juvenes hilares annos,  
Et jucundæ præmia vitæ,  
Dum benè comptis crinibus aurum,  
Dum roſa viridi fronte ſuperbit.  
Pereat quiſquis mente ſevera  
Tenerum vitæ ſpernit aprillem,  
*Bo.* Audin ſodalis? Verba non hominem ſonant.  
*Crat.* Nos quidquid ante diximus ratum facit (b)  
Ephœbus ille Vocis, & vultus notæ  
Superi ſarentur eſſe Phonaſcum chori.  
*Sta.* Erebi ſtolata peſtis in labris natat  
Pueri procacis. Fictus in vultu eſt lepos. (c)  
Stygium faterer incolam, humanam niſi  
Frontem referret. Quiſquis eſt, fœdum gerit  
Fallaci in ore virus, & gravidum dolis

Eru-

(a) *Prodit in ſcenam Chacodemon ſub ſpecie  
blandiet venuſti adoleſcentis, & ſuavi cantu, ac  
mollibus verborum illecebris Stanislaum ad volup-  
tatem conantur impellere. (b) Duo fratres tantu dæ-  
monis oblectati exiſtimant eſſe Angelum à Cælo de-  
lapſum. (c) Deceſſatur falſum juvenem Stanislaum,  
ejuſque voces eſſe virulentas & ſuadolas docet.*

frustat Acheronta. Fugite latentem luem. (a)  
Fugite veneno per litam Circes dapem.

Cur alterno morem in Salum  
Non pulsantur cava saxa pede? (b)

Cur vocalis grata metalli  
Lamina cessant? Cur dulcisonæ

Murmura vocis non ingeminat  
Festiva Chelys? Due age cantus,

Due age choreas læta juvenus.  
Solvant vigiles pectore curas,

Quibus ætatis glacialis hyems  
Iive multiplici tempora sparsit.

Vos nectarei dona Lyei

Mlenis juvenes haurite Scyphis:

Vos bis tyrio murice tinctas

umite lanas: Vos inviridi

trato apricos carpite flores.

O dulce murmur! Flectere Hircanas potest (c)

Tox illa tygres. Non tua parius lapis,

Non durat adamas corda, non chalybs triplex,

Non te nivoso caucassus rigens jugo,

Non afra tumido protulit Syrtis vado;

Iec tibi feroces ubera admorunt Leæ;

Ed mite pectus tribuit, & mites genas

latura facilis. Excute alienam indolem

Tener adolefcens: utere ingenio tuo.

Soli esse in omnes mitis, in te ipsum ferox.

Ios iste nunquam tigribus, aut lupis fuit;

Numque nulla vertit in corpus fera

ictus cruentos: sævit in dispar leo,

Evitque pardus: disce pietatem à feris.

In me trifulcas ante jaculetur faces

B 2

Gra.

1) Monet duos juvenes, ut caveant ab insidiis  
dolenti Cantoris. (b) Redit ad cantus illece-  
ros musici avernalis. (c) Boëmundus tartarei  
ratoris vocibus blandis assentiens Stanislai pe-  
cmollire conatur.

- Gravatus æther, meque tenarius prius** (a)  
**Absumat ignis, quàm tibi aspergam notam**  
**O dulcis hospes cordis, & sospes pudor.**  
**Miseranda proles scelera pietatem vocas.** (b)  
**Tangis Carybdim, Brevibus impigis ratem,**  
**Cœlum laceffis; Ditis in fauces ruis.**  
**Miseror utrumque: quidquid irarum paras,**  
**O summe Olympi Reëtor, in meum cadat** (c)  
**Ignobile caput. Sceleris alieni reum**  
**Me statuo: vindex flamma me solum obruat.**  
**Ignosce geminis fratribus: Vivant mei**  
**Boëmundus, & Cratillus; & pateat vaser,**  
**Qui sub decoro juvene celatur Sinon.** (d)  
**Crat.** Boëmunde quid repente correptus novo  
 Polonus æstu tacuit? En fulgor genas  
 Infuetus ambit: Summa vix trepidant labra. (e)  
**Bo.** Attonitus hæreo. Flamma juveniles comas  
 Coronat. Aliquo est Numine afflatus puer.  
**Sta.** Detecta fraus est ditis. O scelerum artifex,  
 O machinator vulnorum, o fraudis faber (f)  
 Fatere quas hic ore mendaci seris  
 Pestes malorum, quodque moliris nefas.  
**Chac.** Aperire fraudes cogor. O semper meis  
 Inimica votis Astra? Perniciem tuus (g)  
 Pudor ut subiret, antra desertui stygis.  
**Sta.** Sacer Tonanti mentis est nostræ pudor.

Hinc

(a) *Stanislai mira in pudore defendendo constan-  
 tia.* (b) *Miseratur infelicem duorum Juvenum  
 sortem.* (b) *Pro illis efficaciter orat.* (c) *Inter oran-  
 dum alienatur à sensibus.* (d) *Obstupefcunt duo fra-  
 tres Stanislaum conspicati cœlesti lumine radian-  
 tem.*

(e) *Stanislaus post raptum mentis exurgens co-  
 gnitum Deo revelante patefacit Chocodemonem, &  
 cogit eum detegere fraudes, & finem sibi propositum.*

(f) *Coactus Chacodemon aperit suarum fraudum  
 machinamenta.*

Ille apage fraudum gurgēs, & purum diem (a)  
 Iris nefandi spiritu impuro leva.

c. Fugio. Polonus Tartaro illudit puer.

Horrore quatuor : membra torpescunt gelu.  
 atne vigilamus frater, an fallax vagam (b)  
 mago mentem ludit? *Crat.* Haud spectrū fuit  
 vagantis illud mentis. Invasit pavor

Dea quoque viscera, vixque sum compos mei.

Vera est religio, quam Stanislaus docet.

St. Satis hoc probavit hostis inferni fuga.

Generose Juvenis parce, si errorem ducem  
 ecutus, in tua damna perfidiæ lucem  
 efflare voluit. *Crat.* Parce si in frandem tuum  
 tellere pudorem studui iniquis artibus.

Armen recanto pristinum. *Sta.* Parcet Deus  
 Terrique, si Luterus ex animo effluat.

Effluxit animo pestis. *Sta.* O faustum diem!  
 Quid tū *Cratille*? Jura Luteri abnuis?

St. Abnuo; tuamque pronus amplector fidem.

St. Superest, ut error imbre lacrymarum pio  
 Obliteretur. Ergo Cælicolum sacros (c)

Lates petamus, ante venerandi pedes

Flaminis ut illic supplici excepti genu

Rite expietis labis antiquæ notas.

## ACTUS SECUNDUS

### SCENA PRIMA.

*Phyletes, Gormandus.*

Phy. **P**rohquantis animos regere juveniles la-  
 Est vel perito lubricæ ætatis duci! (bor

B 3

Nu-

(a) Fugatur à Stanislaō. (b) Duo fratres permo-  
 prodigio patefacti fugatique à Stanislaō Chacod-  
 nis à Lutero de seiscunt, & fidem catholicam am-  
 eluntur. (c) Ducuntur in Templum à Stanislaō  
 illic expiandas criminum sordes.

Nuper theatra scenica, & scatens joci, (a)  
 Me non probante; Paulus ut vidit forum,  
 Excussit animo palladem, & multam libris,  
 Dixit salutem. Nulla distinctum regunt.  
 Consilia Juvenem. Fræna non patitur ferox.

Gor. Ætatis hæc est culpa. Nos decet senes  
 Benè temperatæ providus mentis vigor.  
 Juvenile non est regere naturæ impetum.  
 Nunquam decorum fructibus tollet caput, (b)  
 Nisi ante multa fronde luxuriet nemus;  
 Nec prius in agris flava mitescet ceres,  
 Quàm tenera inani gramine redundant sata.  
 Sorcitur omne proprios ævum gradus. (c)

Alacritatem in juvene, consilium in senec  
 Require. Nemo nascitur prudens: labor,  
 Ususque naturam expolit: initium rude  
 Pretiosa ducunt quæque. Proludit sibi  
 Per vitia virtus. Corda si Pauli rapit  
 Fervor Juventæ, Crimine hand peccat suo;  
 Nam quæ virentis cursus ætatis vocat,  
 Illuc secundo flumine impellit ratem.

Phy. Cur ergo frater junior viam terit  
 Virtutis? Ævi viridis illi etiam calor (d)  
 Per ossa serpit; cæca non tamen regit  
 Mentem cupido. Vitia non ætas parit,  
 Sed mala voluntas. Juris & recti tenor

Æquè

(a) Incusat Paulum Phyletes velut indocilem, & effrænum. (b) Excusat Paulum Gormandus, & conatur ostendere, non esse consentaneam ejus ætati morum severitatem, & moderationem affectuum. (c) Disputat de variis ætatum propensionibus, & hilaritatem, morumque licentiam propriam juvenum esse contendit, proinde Pauli juventuti multa indulgeri oportere. (d) Opponit Phyletes Pauli moribus vitiosis Stanislai mores rectos, & ex virtute profectos; docetque vitia non esse tribuenda ætati. Sed voluntati.

Equè per omnes graditur æratum vices .  
 Puere nihil animo Stanislai sapit .  
 Tentare nondum pedibus audebat solum , (a)  
 Per templa cum reptabat , & fandi inscius  
 Balbutiebat eloquens Verbum Patris .  
 Robustiore jamque succensus face ,  
 Deu cultor horti sedulus , jungit rosas  
 Candida ligustri germina , expresso flagris  
 Rigans cruore corporis casti nives ;  
 Et fessa duro membra reclinans thoro  
 Furatur oculis otium ; hinc supplex pius  
 Ad lacrymarum clepsydram fundit preces .  
 Sic ille vernos consecrat Cœlo dies .  
 Non laudo fructum præcoccem Succus citò (b)  
 Desistit ea , quæ tempore alieno trahunt  
 Maturitatem poma . Qui ætatis suæ  
 Primo senescit flore , juvenescit senex .  
 Nihil etenim natura violentum diù  
 Patitur ; Acerbo potius excusso jugo ,  
 Aut fasce iniqui ponderis licentior  
 Exultat , atque in vitia deterius ruit .  
 y. Rem sane acutè discutis ; nostro tamen  
 In juvene potuit sacra naturam Charis  
 Superare. Gor. Sed non perdere. Ad suum redit  
 Natura morem ; Seque prostratam erigit .  
 Quidquod supernæ Charitæ innocuus vapor ,  
 Et aura spirans leniter non opprimit  
 Ingenita cordi semina, nec animum trahit  
 Ad opera , quæ sint aspera , & vitam terant .  
 Illusus , atque incautus hæc temere subit  
 Mala , pertinaci mente dum putat bona ,  
 Sed vera sint quæ loqueris , ut cedam meo  
 De jure , sint divina , sint cœlestia ,

B 4

Hu-

(a) Stanislai virtutes & præclara pietatis opera  
 ariat (b) Improbatur opera Stanislai Gormandus,  
 a sejus adolescentiæ intempestiva. & conatur ostendere  
 periculosum esse niti contra naturam .

Humana quæ vix autumo ; à nobis quidem  
 Pueros regimini traditos nostro , decet  
 Tractari , & aspici ut homines , non ut Deos ,  
 Resque revocare ad regulæ Humanæ modum .  
 Tener ergo seria prosequi haud debet puer .  
 Non dicta scitè aut facta , non solertiam  
 Senilem in illa ætate sapientes probant .  
 Equidem disertus doctor eloquii vetus ,  
 Rector juventæ Cæsarum , ac Latine togæ  
 Decus atque lumen Fabius hoc scriptum libris  
 Reliquit axioma liniendum cedro ,  
 Minioque : Puerum nolo , qui sapiat nimis .  
 Ego neque Juvenem laudo , qui referat senem .  
 Proclivitati quisque famuletur suæ ,  
 Et onere iniquo nemo naturam gravet :  
 Quæ nempè , Serius , ocysus prodit faces  
 Nostro latentes corde ; Si teneras adhuc  
 Prodat , periculi cautus hinc parum timet  
 Rerum æstimator ; pabulis auctas novis  
 Si proferat , in incendium , & cladem furis  
 Adultus ignis , vixque reprimatur furor .  
*Phy.* Adducor ut ita sentiam . Longus docet (a)  
 Ætatis ordo , velle naturam suas  
 Explere tandem pectoris cupidines .  
*Ger.* Sapiente digna opinio . Hic tecum diù  
 Morarer ; at me cura natorum vocat .

## S C E N A S E C U N D A .

*Phyletes , Paulus , Stanislaus .*

*Phy.* **D**anda seniori est rebus in dubiis fides .  
 Usus magister optimus vitæ senes (b)  
 Erudiit . Ibo jam Stanislaum petam ,

*Ani-*

(a) Gormandus in suam sententiam Phyletam inducit , eique persuadet , Stanislaus mores ipsius ætati non esse opportunos . (b) Phyletes à Gormando sedulus statuit Stanislaum adversari , cumque ad fratris mores perducere .



Animumque pueri , fratris ad mortem traham ;  
 sed hac uterque graditur . O factum bene !  
 . Audi Stanislaë . Quoties vili sago ,  
 Te , seu lacerna sordidum offendam rudi . (a)  
 Vostro indecoram generi inurentem notam ;  
 Condire quoties cinere tentabis dapes ,  
 Lumerosque flagris plectere , & ferro latus ,  
 Tunc te ( per astra juro ) non fratris loco  
 Ducam , sed hostis . Scilicet mores meos  
 Tuis reprimi moribus nunquam feram .  
 . In te quod unquam frater admisi nefas ?  
 Hostile quid gessi , tibi ut habendus loco (b)  
 Sim perduellis ? Dicere haud quaquam potes  
 Te scelere vice vel simplici , læsum meo ,  
 Nisi fortè scelus est animus in fratrem pius .  
 Namque i'la , quæ mihi prohibes , obstant nihil  
 Tuis profectò commodis , nec te arguit  
 Mea vita nulli nocua ; Sed forsan tui  
 Pars melior animi pulsat , & stimulis monet ;  
 Occulta cujus monita ne spernas cave .  
 . Tū me superbe corripis ? Peream , nisi (c).  
 Tibi obstinatum comprimam plagis caput ,  
 Jecunque libito vivere recuses meo .  
 . Dulcia minaris Paaule . Non plagas timet (d)  
 Notiora qui supplicia deliciis habet  
 Bifidam superni Regis amplexus trabem ,  
 Minare capiti potius illecebras meo .  
 Tormenta sitio . Verbera accendent sitim .  
 . O pervicacem ! damna , quæ sitis , bibes ,  
 Nisi saniora mente consilia occupes .  
 y. Procul facessant odia , majori minor

B S

Pa.

) *Paulus interdicat Stanislaui usum obsoletæ ve-*  
*stis & salutaris animi corporis cruciatus.* (b) *Man-*  
*a responsio Stanislaui cum salubri admonitione.*  
*Paulus indignè ferens , se admonitum esse à fra-*  
*juniore minatur ei plagas .* (d) *Stanislaus ad-*  
*bera , & plagas se paratum ostendit .*

Pareat. Ubique jura primatus valent.

*Sta.* Ubi causa virtutis agitur, nihil valent.

*Phy.* Affixa virtus temporis, haud homini, venit  
Ad grandiores. Aptus est ludis puer, (a)

Quis ille si severa præponens, velit  
Sapere alieno tempore, haud sapiet suo,  
Cum post, adulti robur acquireret viri.

Servire disce temporis, & curis grave  
Tandem relaxa pectus. Hostili flagrat

In se met odio quisquis ætatis bonum  
Pertæsus, avidos corripit mortis gradus.

In fata ruere parricidii est genus:

Sed parricida cædis alienæ est Reus; (gis,

Tu te ipse perimis; quodque deslendum est ma-

Ludibria mentis ista virtutem vocas,

Cruelitati nomen obtendens pium.

*Sta.* Tū quoque per amplā ducere interitus viam,

Vis me Phyleta, & agere transversum paras,

Quem regere debes, cuique ceu teneri sagax  
Moderator ævi recta suadebas prius? (b)

Ab ore nunquam tale consilium tuo

Prodivit. Unde hic mentis illusæ furor?

Quis te repente in alterum vertit magus?

O fragile pectus hominis! O vitream fitem!

Tibi mea credo corda, qui nunquam tuos

Deferis alumnos, Christe Cælicolum decus.

*Pa.* Nil miror, ante jussa si spreuit mea, (c)

Qui nec magistrū patitur. Haud posui amplius

Cohibere dextram. *Phy.* Parce verbis nimis

Pro-

(a) *Phyletes cum Paulo consentiens conatur avertere Stanislaum, à nimia morum severitate, & adducere ad laxiorem vitam.*

(b) *Miratur Stanislaus mutatam esse Phyletæ mentem illumque quasi à pristino regendi more degenerem mansuetè reprehendit.*

(c) *Paulus attollit dexteram ut percutiat Stanislaum.*

Procur es in iras Paule. redeamus domum, (a)  
Ubi nostra facili vota procedent via.

SCENA TERTIA.

*Gormandus, Cratillus, Boëmundus.*

Gor. **O** Fida capita, columnen effœti patris  
Narrate quo res nostra versetur loco. (b)

Vestrum ne clausit rete luctantem feram?

An qualis aper Hercynius effregit plagas

Polonus Hospes? Gaudeam, an doleam pater?

Crat. Latere genitor. Nullus illuxit dies

Felicior nobis. Bo. Diem verè aureum (c)

Natis benignus obtulit Titan tuis.

Gor. O me beatum prole tam fausta senem!

An fortè patriam Juvenis excussit fidem, (d)

Aut victa saltem corda deliciis dedit?

Bo. Glaciale potius fluctibus tingent caput

Gemini Triones. Ante confundet suos (e)

Cum fratre currus Cynthia, & noctem dies,

Diemque nox involuet, & Cœlum ruet,

Suosque circum terra vertetur polos,

Quàm patria forti nutet in puero fides,

Aut solidus ullam contrhat labem pudor.

Gor. Ergo quid inani gaudio me pascitis?

Dicite, remoto vocis ambigua sono,

Quem gloriosus exitum labor tulit?

Bo. Tulit profectò gloriosum; ac non fuit

Is gloriosus. Gor. Quid ita? Vos forsan pudet

Vicisse puerum? Bo. Victor est nostri puer;

B 6

Vi-

(a) Reprimitur à Phyleta (b) Pater interro-  
gat filios quomodo se gesserint erga Stanislaum, &  
quem finem habuerint eorum conatus. (c) Respon-  
dent filii, suum cum Stanislae congressum habuisse  
optimum, & sibi faustissimum exitum. (d) Letatur  
eo responso pater, salid existimans, vicisse filios.  
(e) Affirmat Boëmundus, fidem, & pudorem Sta-  
nislae vinci non posse.

Viſitque gloriāmur : at fraudis pudet , (a)  
 In quam pudicum trahere tentavit caput  
 Veſana noſtræ frontis impudentia .

*Crat.* Intra execrandæ caſtra perfidiæ pudet  
 Meruiſſe ſœda criminum ſtipendia .

Benigna ſed nos Numinis juvit manus .  
 Lethale nam dum premeret errantes chaos  
 Fidei Latinæ mentibus fulſit jubar ,

Quas innovavit. *Gor.* Vos ne Romanam fidem?

*Bo.* Nos Vaticanæ jura veneramur Patris . (b)

*Crat.* Illumque Chriſti gerere teſtamur vices .

*Gor.* Reliquit animus membra : deſtituor miſer  
 Vigore , motu , voce : præcluſit dolor . (c)

Senile guttur : hæſit invenis cruor .

Quæ monſtra genui , quæſve nutriti ſeras ?

Quod genitor ærumnoſus , illeſtabilis

Ad lucis auras protuli anguineum genus ?

Ingrata proles hocſcine rependis patri (d)

Pro luce munus ? Scilicet puero ſenex ,

Genitorque fidus hoſpiti infido fui

Sic poſthabendus , perfida , immanis , ferox ,

Sacrilega proles , unico effundis die

Famam , parentes , Jura , pietatem , Deum .

Boëmundè cur ſic vulneras natus patrem ?

Quò priſca forti fugit ex animo fides ?

Quiſte Gygantum ſtravit ? o probrum , o neſas !

Pudet fateri : viſtus à puero jaces .

*Bo.* Cauſam innovatæ mentis excipias rogo .

Cum fratre dum tua nuper imperia exequor ,

Sty-

(a) Fatentur apertè duo fratres , ſe viſoſeſſe à  
*Stanislao* , & ab eo per duſtos ad Catholicam fidem .

(b) Aſſeverant ſe agnoſcere , & venerari Romanum  
*Pontificem* , ceu verum Chriſti Vicarium .

(c) Percuſſus eo nuncio Pater Hæreticus , dolet ,  
 & indignatur vehementiſſimè .

(d) Objurgat filios , velut à Patre degeneres , &  
 ſuæ fidei deſertores .

(a)  
 Stygius repente coluber humani notas  
 Mentitus oris, Sarmatam blando petit  
 Cerramine voluptatis, ac telum vibrat,  
 Ad cujus ictum domitor Hectoris, cruces  
 Deposuit iras, cecidit Alcidae vigor,  
 Ramosa quamvis capita Lærnei mali,  
 Toruumque profligarit erymanthi suum.  
 Stetit ille contra, qualis immotus Leo,  
 Inter minores colla cum quatit feras.  
 Lucetatur Erebo: luce mox auctus nova  
 Juvenem revelat subdolum, & cogit nigros  
 Repetere ditis, fraude patefacta, lacus.  
 Hoc me coëgit genitor, ut victas darem  
 Manus pudori, Veritati, Numini.  
 Gor. Te quoque Cratille frivola hæc mētis movent  
 Ludibria? tibi ne sit etiam vilis pater?  
 Vilisque sit Luterus, & vilis Deus?  
 Crat. Amo parentem, Numen æternum Colo,  
 Devoveo Luterum, ut erebi exortum lacu (b)  
 Borealis oræ peste deterius malum.  
 Gor. Removete procul hinc aspides sædi gradus.  
 Solvite nefandæ sobolis aspectu patrem. (c)

## S C E N A Q U A R T A.

Gormandus, Stanislaus.

Go. **O** Cecidimus heu! delusa puerili manu  
 Ars nostra periit. Vicit imbellis pudor, (d)  
 Gravidum venenis colchicis vicit Patrem,

B 7

Na-

(a) Causam reddit Bořmundus suæ ad Catholicam fidem conversionis; hanc autem esse dicit repulsas à Stanislao fraudes, & insidias Cachodæmonis juvenili specie personati, eumque detectum, & coactum redire ad inferos cum ignominia. (b) Cratilli præclara, & plena pietate responsio. (c) Contumeliosè, & atrociter dictis ejicit à se filios. (d) Gormandus videns, nil sibi profuisse artes magicas atq; indignissimè ferens se victum à Stanislao, & suos omnes sonatus elusos, in furias agitur.

Natosque patris candidatos artium .  
 Repulit erynnim fraude grāssantem nova .  
 Nil restat , omnia movimus , preces , minas ,  
 Metum , dolorem , verbera , illecebras , dolos .  
 Omnia Polonus vicit , & crevit malis ,  
 Fraudemque nostram vertit in laudem suam .  
 Quid anime suggeris ? ira quò mentem vocas ?  
 Olim quietem perdidisti , famam , fidem , (a)  
 Animam , Salutem , Numinis , & hominū metum .  
 Nunc perdo prolem ; quodque cor gravius ferit ,  
 Artem docendi perdo . Quid suades furor ?  
 An est quod ultra perdere infelix queam ?  
 Est vita . Pereat , morte sanetur dolor .  
 Majora cruciant damna , quàm vivum pati  
 Ut me ipse debeam , Renuo terræ gravis ,  
 Odiosus Astris vivere , invisus mihi .  
 Decreta mors est . Mortis haud constat genus .  
 Ferrone vitam finiam , an præceps jugis  
 Ad acuta letho saxa Comminuam caput ?  
 An gottur alta pendulum elidam trabe ?  
*Sta.* Quis ille , digitis fata dum librat , necem  
 Lacescit ultro ? Fronte Gormandum refert : (b)  
 Magnū aliquid agitat . Varius invultu est color .  
 Fert odia , metuit , invidet , dolet , furit ;  
 Gormandus hic est : hominis affatū petam .  
*Gor.* Hic mea dolore pectora exoluet calybs ,  
 Hic obligatum tartaro reddet caput . (c)  
 Scrutare ferrum viscera , cruorem bibe .  
 Aude quid hæres dextra ? quid trepido gradu  
 Resistis ? Aude ; lucis invisæ moras  
 Abrumpe ; Vulnus pectori adverso imprime .  
*Gor.*

(a) Doloris atque iracundiæ impotens statuit mor-  
 tem sibi conseriscere . (b) Superveniens Stanislaus  
 animadvertit , Gormandum turbulentis animi mo-  
 tibus agitari . (c) Decernit Gormandus pugionem  
 in pectus adigere , & suam dextram hortatur , ut  
 id facinus audeat .

*St.* Gormāde quid agis? Quis gravat mentē furor, &

*Gor.* Abscede pestis : an etiam arbitrium necis

Vis rapere ? nil prohibere moriturum potest .

*Sta.* Quæ causa vitam reddit invisam? *Gor.* Dolor.

*Sta.* Causam doloris ede . Cum vulnus latet ,

Frustra admovetur cura ; cum patet , salus

Festinat , aptè medica si accedat manus .

*Gor.* Tu mihi doloris causa maturas necem . (b)

*Sta.* Me tam nefandi sceleris haud novi reum .

Neque debeo , neque volo , neque possum puer

Nocere cuiquam . *Gor.* Prole tu me orbas mea

Auctore te , Cratillus in fraudem incidit

Cum fratre Boëmundō . Tridentinum nefas

U erque jam sectatur , & nugis litat ,

Quas ponit inter sacra Romulidum genus .

*Sta.* Hæc ergo causa mortis ? hoc fraudem vocas?

Non rapta , sed nata soboles gemina est tibi , (c)

Nec illa fraudi cessit ; at fraudem stygis

Elusit , execrata perfidiæ lueni .

*Go.* Permite mortem . *Sta.* Pectus opponam meum ,

Ut te ruinæ subtraham ; hoc ferrum ; hanc manū

Tenebo , & hospes hospiti auxilium feram .

*Gor.* Quæ isthæc in hostem lenitas ? quid amas pius

Præstigiatores impium ? Heu fari pudet ; (d)

Tamen fatebor scelera : nam certum est mori .

Si cognita Stanislæ tibi forent mala , (e)

Quæ

(a) Reprimitur à Stanislao . (b) Edit Gormandus causam doloris ipsum adigentis ad necem sibi inferendam , & hanc esse ait ipsum Stanislauem eo quod suos filios ad Romanam fidem traduxerit . (c) Ostendit Stanislaus , filiorum ejus conversionem debere illi esse potius causam letitiæ quàm doloris , & mortis . (d) Benignitate , & mansuetudine Stanislai incipit deliniri Gormandus . (e) Fatetur quid contra eum fuerit machinatus , & quo modo ad evertendam ejus religionem , & castimoniam filios prius , deinde Cathodemonem voluptatis inflatorem impulcrit .

Quæ infidus hospes in tuum movi caput ;  
 Meum hoc probares forsitan votum necis .  
 Ego , ut pudorem cordis , & patriæ decus  
 Tu religionis perderes , natos prius ,  
 Dein vero gravidum fraude luxuriæ patrem  
 Caliginoso Tartari excitum specu  
 Sub ore blando perpuli in pestem tuam .  
 Recede juvenis : iri cum hoc saltem luam  
 Nunc morte crimen . *Sta.* Absit hoc , potius luas  
 Fonte lacrymarum crimen . Ah miserum senem ! (a)  
 Quàm malè tenetur hostis implicitus plagis !  
 Agnosce tandem subdolan Acherontis fidem  
 Gormande : quò te proditor adegit vide .  
*Gor.* Heu video ; manibus tango perfidiam stygis .  
*Sta.* Quid ergo stygias pronus in fauces ruis ?  
 Miserare te præcipitem , iniquum , perditum .  
 Jamque abige ferrum : sequere natorum viam :  
 Dà te Tonanti supplicem , ac tandem tuæ  
 Consule saluti . *Gor.* Magna vis scelerum vetat  
 Sperare veniam . *Sta.* Pessimum est sceleris genus  
 Spem perdere salutis . Scelera quæque obruit  
 Nostri facilitas Regis , hunc placat liquor  
 Expressus oculis . Ingemit quoties reus ,  
 Toties Tonantis fulmina extorquet manu .  
*Gor.* Vivam . Tuo me dirigi arbitrio finam (b)  
 O dulce vitæ sydus , o nostræ domus  
 Tutela felix . Duc age errantem senem  
 Quo limite placet . *Sta.* Limite salutis regam .  
 Succede tectis , meque comitantem præi . (cus !  
*Gor.* Me miserum , Avernì quàm propè attigeram la-

## S C E N A Q U I N T A .

*Boëmundus , Gratillus .*

*Bo.* **G**ratemur Astris frater . En pleno beat  
 Nos pacis ubere prodigus amoris Deus .  
 Sub

- (a) Hortatur eum ad penitentiam Stanislaus .  
 (b) Respiscit omnino Gormandus , & Stanislai ar-  
 bitrio se permittit .



Sub architecto scelerum , & errorum duce (a)  
 Lutero , & ipsi dediti imperio patris ,  
 Horresco memorans , ferream ætatem diù ,  
 Malè feriat duximus , tandem aureum  
 Miseros revisit tempus . O felix dies ,  
 Signanda & albo lapide , qua primùm minor  
 Polonus intra hæc limina immisit pedes !

*Crat.* Cumulum recenti gaudio demit recens  
 Timor imminentis cladis Haud satis liquet (b)  
 Quò se parentis vertat insanus furor .  
 Minus timerem quos movet parens metus ,  
 Si mihi timerem . Timeo , ne Carum caput  
 Hospitis amici fraude genitoris cadat .

*Bo.* Ne metue . Cari capitis in tuto salus  
 Mox erit . Amicus hospes è nostro efferet , (c)  
 Tellure profugus Norica , hospitio pedem .  
 Salubrioris luce mutabit soli (res?  
 Viennense Cælum . *Crat.* Repetet an patrios la-

*Bo.* Non ; Sed Latino testâ Christiadiu Patri  
 Regnata petet *Gra* Expone quis mentē impetus  
 Ad tam remota Regna juvenilem rapit ? (d)  
 Alio calentes Sole cur tentat plagas ?

*Bo.* Speciosa decora nuper in lucem tulit , (e)  
 Satum superno semine virorum genus ,  
 Nobile Secutum Cantabri auspiciu Ducis (f)  
 Jesu

(a) *Exprimit Boëmundus singulare Beneficium utri-  
 que fratrum collatum à Deo in iis traducendis opera  
 Stanislai ad Catholicam fidem . (b) Ostendit Cra-  
 tillus se ab inato ipsorum patre metuere Stanislao  
 periculum , & perniciem : (c) Eximit eum fratri ti-  
 morem Boëmundus narrando , in proximo esse Stanis-  
 lai discessum ex ea regione , & profectiōem in Ita-  
 liam , & Urbem Romam . (d) Siscitatur Cratillus  
 causam ejus propinqui discessus . (e) Religiosus ordo  
 Societatis Jesu luculenter à Boëmundo describitur .  
 (f) Nomine Centabri Ducis intelligit S. Ignatium  
 de Loiola Societatis Jesu Fundatorem .*

Jesu verendum nomen in signis volat  
 Fatalis Erebo gentis, Unanimes movet  
 Consimilis acies cura. Stat mundi arduos  
 Lustrare fines, pondere ut scelerum gravi  
 Soluta tellus Ditis excutiat jugum.  
 Generosa nullis parcit ærumnis cohors,  
 Ut Vaticanæ legis ad normam reum  
 Conformet Orbem. Jurat in Latium caput,  
 Quo fulta, diræ castra perfidiæ quatit.  
 Fons Roma generis auream pubem serie  
 Spem gloriosæ gentis, & Cœlo sacram  
 Pietatis, atque Palladis lacte imbuat,  
 Repletque vestros prole numerosa sinus  
 Utriusque mundi: vixque telluris manet  
 Abdita, remota, torrida, aut rigens plaga,  
 Aperta quò non mille per discrimina  
 Penetravit alacer impigræ Gentis labor.  
 Huic sua sacrare corda militiæ flagrat (a)  
 Pudicus hospes. Ergo quam primùm solum  
 Viennense linquet, Latia, quæ mordet Tybris  
 Aditurus arua: Scilicet fratris furor  
 Hic esse voti compotem puerum vetat.  
**Era** Felix Quiritum Regio, quæ tantum hospitem.  
 Gremio fovebis. Norica hæc tellus gemat  
 Viduanda juvenū Sole. Quis prohibet pium  
 Nos æmulari facinus, & patrios Lares (b)  
 Mutare Christi sedibus? Mundus perit,  
 Pereuntque Mundi Gaudia. Sequamur bonum,  
 Quod nullus Imber, nulla consumit dies. (c)  
 Ad Astra, ad Astra Frater. En docet viam  
 Polonus: Astra præpete petamus gradu.

Bo.

(a) *Narrat Stanislaus Proposuit eam Societatem ingrediendi, & ad hunc finem propediem Romam tendi.*

(b) *Hortatur fratrem ad relinquendas mundi vanitates, & Stanislaus vestigiis inherendum.*

(c) *Boleslaus mundi modesta responsio.*

*Bo.* Imitarer hoc exemplar, & vestigia  
 Pueri virilis sequerer; at nondum viget  
 Matura virtus. Ista sed melius domi  
 Discutere libeat. *Crat.* Cępta fortunet Deus: (a)

## ACTUS TERTIUS

### SCENA PRIMA.

*Stanislaus, Nicander Stanislaus conscientię  
 Moderator.*

*Sta.* **M**oderator animi fide, cui patent mei (b)  
 Arcana cordis, quique lustrali eluis  
 Murmure potentis Imperi informes notas,  
 Quę nostro inhaerent pectore, arbitrium necis  
 Vitaque gestans, auribus amicis bibe,  
 Quę dicere paro, meque consilio rege.

*Nic.* Exprime quidquid mente generosa foves  
 Magnanime juvenis. Pectus assuetum gero (c)  
 Tua venerari vota. Nil unquam leve,  
 Vulgare nihil est ore prolatum tuo.  
 Meditaris usque grandia, & pręstas viris,  
 Maturiorque senibus incedis puer.

*Sta.* Me laude nulla dignor; at si quid tamen  
 In me probatur, animus officii memor  
 Par est, amor ut referat acceptum tuo..  
 Audi quid agito mente. Jam dudum meo  
 Est vilis animo Mundus, & mundi nitor. (d)  
 Innumera namque vitia tellurem premunt.  
 Hinc fastus animi, turgidum quassans caput  
 Fastus minores calcat. Hinc tetram vomit (e)

*Sta.*

(a) Describitur sacra confessionis auditor, & ab-  
 solutio sacramentalis. (b) Laudatur à Nicandro  
 Stanislaus. (c) Stanislaus indignum se laudibus  
 putans submitte simul, & officiosę respondet.

(d) Exponit Nicandrus quid animo voluat, & quā  
 ipsi sordet Mundus, ostendit (e) Enumerat, & de-  
 scribit vitia quibus Orbis terrarum abundat.

Sanjem veneni livor, & rodit suos  
 Jejunos artus. Acuit hic enses furor,  
 Seritque bella, cæde respersus manus.  
 Quid damna referam, sacra quæ terris fames  
 Invexit auri, & sordida ac semper lucris  
 Inhians cupido? puppis ignoto prius,  
 Et quod latebat melius, insultat salo,  
 Speciosa colli vincula ut gemmas legat.  
 Terræ petuntur viscera, & ferrum nocens,  
 Autumque ferro quæritur Nocentius.  
 Hoc fonte derivata bellorum Seges  
 Nunquam expiandis cædibustexit solum.  
 In tela ferrum vertitur, Marti facem  
 Dum subdit aurum. Pejus exoritur malum  
 A peste blanda, quam voluptatem vocat  
 Delusa gens. Hæc scæda morborum parens,  
 Decorum Charybdis dira, virtutum rogos,  
 Syrtis pudoris quodlibet inausum nefas.  
 Audet, nec ulli parcat ætati; Senes,  
 Juvenesque facibus impetit. Nusquam salus,  
 Nisi fugiatur hostis. Heu scelerum pudet.  
 Ruit omnis in deterius ætatum gradus,  
 Moresque castos longa comminuit dies.  
 Ætas parentum degener ab avis tulit.  
 Nos nequiores. Sæculo urgemur gravi. (nor  
*Nic.* Non temporum hæc est culpa; perpetuus te-  
 Mortalis hic est sobolis, & semper sibi (a)  
 In scelere tantum constat inconstans genus:  
 Tamen est vel inter vitia virtuti locus.  
*Sta.* Sed iste lubricus. Integræ mentis decus  
 Alere tot inter crimina est æquè arduum, (b)  
 Ac mille laqueos premere inoffenso pede.  
*Nic.* Sic est. Periculis mille multiplici patet (c)  
 Ob-

(a) Respondet Nicander, posse etiam inter vitia  
 servari virtutem. (b) Subjicit Stanislaus, id esse  
 valde difficile, & mentis integritatem non esse tot pe-  
 riculis obijciendam. (c) Adhæret Stanislaus Senten-  
 tiæ Nicander, eamque confirmat.

Obsessa virtus scelere : nec tutum reor  
Tentare cæcis plena vorticibus vada ,  
Cineri & doloso premere suppositas faces .  
Pretiosa scilicet animi in tuto Salus  
Est collocanda . Quisquis ancipiti loco  
Hanc Fidit , ipsi facile perniciem creat .

*Sta.* Quod rogo perenni idoneū in primis putas (a)  
Animi salutē , & affatim laudum ferax  
Genus esse vitæ , quemvè præcipuè statum  
Ampla meritornū consequi in terris lucra ?

*Nic.* Oppidò beatus ille , qui fluxas opes , (b)  
Ut prisca gens Christiadam , & infaustum bo-  
Fugacis ævi strenuo calcans pede (num  
Castris pudoris militat Cœlo Sacer ,  
Metuendus Erebo . Cæca non illum trahit  
Animi cupido , mentis haud inflat tumor ,  
Nec spes , metusque torquet , aut flatus levis  
Popularis auræ tollit ; at regit fides ,  
Et sacra pascit ubere benigno charis ,  
Regiaque tandem ducit in Cœlum via :

*Sta.* Hoc agitat animus : Castra me Crucis vocant,  
Quæ Dux locavit Cantaber, nomen trahens (c)  
Ab igne . Congruenter à Jesu tamen  
Sumptum , salutem ritè quod hominum sonat.  
Semper adorando nomine hic heros pio , (d)  
Quem peperit ipse , cœtæni , nomen dedit ,  
Hujus operam animis fore salutarem sciens .  
Hunc eligo cætum . Sacramentum placet

Di-

(a) *Petit à Nicandro Stanislaus quem statum maxime idoneum censeat ad salutem animi in tuto collocandam , & multa merita consequenda .* (b) *Describitur status felicissimus hominis , qui contemptis terrestribus bonis ad Cœlestia semper aspiret , & Deo viriliter serviat .*

(c) *Exponit Stanislaus suum desiderium , & propositum ingrediendi Societatem Jesu .* (d) *Causam aperit cur S. Ignatius ordini religioso à se instituto Societatis Jesu nomen indiderit .*

Dicere sub auspice Jesu , & optatæ ingredi  
Sedem quietis . Ergo Romanas iter (cul  
Quamprimum ad arces dirigam , ut patria pro-  
Tellure, Mundo moriar, & vivam Deo ,  
Veneranda subiens jura Gandensis Ducis .

*Nic.* I quò pudicæ flamma te mentis rapit  
Virtute macæ juvenis. Ad Crucem vola : (a)  
Non te morabor . Sequere felicem impetum .  
Tuam profectò valida pietatem decent  
Ejus catervæ Castra , quæ à Jesu sacro  
Gaudet vocari nomine . Huic addes novum  
Decus atque robur . Interim à fida manu  
Cape munus hoc amoris . Hunc adhibe viæ  
Comitem, ducemq; , Flabra si boreæ fremant (b)  
Erit hic benignus ignis ; at si Æstus flagret  
Erit aura lenis . *Sta.* Munus hoc semper meo  
Hærebit in corde . Lateri hæc fesso dabit (c)  
Umbram Hospitalem platanus , hoc fructu fa-  
Solabor , ex itinere collectam sitim (men  
Hoc fonte fallam : Baculus hic dubios reget  
Gressus . Itineris Astra si finem dabunt ,  
Erit hic viator : Astra si finem negant ,  
Erit hic viaticum . Sed huc Paulus venit .  
Secede : Fratri liceat extremum vale  
Dicere. *Nic.* Benigna te regat Christi manus .

## S C E N A S E C U N D A .

*Paulus ; Stanislaus .*

*Pa.* Quid iste solus agit ? An quærit mea  
Temerare rursus gaudia ? O durum caput  
Quas hic remotis arbitris curas coquis ?

*Sta.* Hæc aure quæso verba patienti excipe . (d)

*Pa.* Eloquere . *Sta.* Novi facilè jam pridem tibi  
Me

(a) Confirmatur à Nicandro in eo proposito Sta-  
nislaus , & incitatur ad id alacriter exequendum .  
(b) Donat illi Nicander velut suæ benevolentia pi-  
gnus simulacrum Christi cruci affixi . (c) Stanislaus  
affectus erga id simulacrum . (d) Stanislaus ventam  
discedendi blandè petit à Fratre .

Me non probari , teque non æquo meum  
 Consortium animo ferre . Jam ergo Noricas  
 Mutare sedes liceat , & alio plagas  
 Petere tepentes sydere . Arbitrium tuum  
 Accedat , oro , frater Optatis meis .

*Pa.* Abscede, propera, corripe hinc procul gradus,  
 Abi vel extra mundum, ubi penitus mea (a)  
 Latere possis lumina : id cupio , id volo ,  
 Id posco Numen . Amove hinc pedem ocyus  
 Non dum recedis ? *Sta.* Frater æternum vale .

## S C E N A T E R T I A .

*Paulus , Phyletes .*

*Pa.* **B**ene est; peractum est: abiit, excessit; mea  
 Cumulavit hodiè vota. Cur tamen geras  
 Injussus irrigat imber , & mentem dolor (b)  
 Percellit improvisus ? Heu facti pudet ,  
 Iramque vis exorta pietatis fugat .  
 Relabor impius hostis in fratrem pium .  
 Nimis impotenti mente primatum gero .  
 Mitem, innocentem reppuli immittis, nocens :  
 Germanitatis jura violavi ferox .  
 Non sic haberem vile mancipii caput ;  
 Ut fratris habui . Muto jam factum : fugam  
 Fratris morabor . Maneat , & mecum dies  
 Ducat Serenos . Norico haud unquam solo  
 Abire sine me perferam partem mei .  
 Sed huc Phyletes properat . Aspectus viri ,  
 Ni fallor , ardet . Aliquid adversum indicat .  
 Quid huc Phyletes concitos fundis gradus ?  
 Satinne Salvæ ? *Phyl.* Tuus in exitium ruit  
 Frater , sui que contrahit fati viam .  
 Soli est cruentus hostis , & lictor sibi .  
 Reperi hæc propinquæ cædis indicia , flagrum  
 Madidum recenti sanguine, & zonam undique  
 Acu-

(a) Veniam fugæ largitur Paulus, & iratus urget  
 discessum . (b) Varios animi motus in Stanislaum  
 Paulus expertus duritiem erga illum suam damnat .

Aculeata cuspide rigentem . Hoc latus (a)  
 Cingit , oditque balthæo in pœnas suas  
 Acutus ; at hoc membra depascit flagro ,  
 Floremque vitæ demetit : Nulla impetum  
 Frænare ratio mentis indomitæ potest .

*Pa.* Pietas rebellat : æstus irarum redit ; (b)  
 Hostemque rursus , fratre depulso , induo .  
 Cedò necis instrumenta . Sic se indomeam  
 A fratre mentem . Pereat hoc pœnæ genus ,  
 Quod ilia populatur : at pœnas luat ,  
 Quas irrogare corpori assuevit flagrum .  
 Casta lacerare membra quo solet modo ,  
 Laceretur , & in frustra discissum cadat .

*Phy.* Laudo furorem . Perge ; fraternas manus  
 A cæde reprime ; juvenem inimicum suæ  
 Felicitati prohibe ab interitu : preces ,  
 Promissa , lachrymæ , dona proficient nihil .  
 Vim vi repelle . *Pa.* Sed ille minitatur fugam ,  
 Quam ne capeſſat vereor . Æternum vale  
 Mihi dixit *Phy.* Heu quid audio ? dolorem patris  
 Lenire nunquam potero , si fugiat puer . (c)  
 Amoliamur omne consilium fugæ .

*Pa.* Properemus ergo . Periculum est hîc immora-  
 S C E N A Q U A R T A .

*Stanislaus .*

**S**uperba Regna Norici , augustum solum (d)  
 Nullo latus comitante , fugitivus puer  
 Tandem relinquo , pacis ingredior viam ,  
 Quæ me ad Quirini sistet optatos lares .  
 Fugio fugacis temporis munus breve ,  
 Incerta mundi Gaudia , & certos dolos ,  
 Fœcunda culpæ Secula , Circæas dapes ,  
 Pervia Draconi poma , Tantaleam sitim .

*Tu*

(a) *Arma afflicto corpori à Stanislao adbibita prodit Philetas Fratri* (b) *Redit Paulus ad veteres iras , & illa dolorum instrumenta discerpit .*

(c) *Initum à Stanislao fugæ consilium intercipere statuunt .* (d) *Fugientis affectus .*



Tu mihi viarum dirige ignaros pedes (a)  
 Bisgenita proles, mente quæ Patris fluit  
 Amore grvida. Tuque tergemini potens  
 Regina mundi, cujus in vultu gravis (b)  
 Sonantis ira detonat, avita lue  
 Afflata nunquam Virgo. Si matrem meam  
 Te nuncupavi rite, da facilem viam,  
 Duc obsequentes quò vocas Mater gradus.  
 Amore quid me patria nequidquam tenes  
 Vincitum? recede. Mater in Cœlum vocat.  
 Sequor, sequor: valete fraterni lares;  
 Tellus paterna vale. Stanislaum manet  
 Melior in Orbe patria, & melior parens,  
 Meliorque frater. Tuta me sedes manet  
 Solidæ quietis Urbe, quam Summus regit  
 Claviger Olympi, & Martyrum rigat cruor:  
 Ibo, Ibo quâ Septena protendit iuga  
 Urbs illa Divum lipsanis plusquam Ducum  
 Veterum triumphis inclyta. Excipiet sinu  
 Ibi me benigno parva Tyronum domus,  
 Addetque alumni, lacte quos fovens pio  
 Ad opera format grandia, & rigidis probat  
 Non rigida rebus. Inde post cursum brevem  
 Labentis ævi Regna Cœlicolum petam.  
 Sed Heu repente dira quæ species ferit  
 Mea lumina? Quis in frustra delicias meas,  
 Meosque amores impia scidit manus?  
 Agnosco, cara militaris Cinguli  
 Segmenta, mea quo latera præcinxit pudor,  
 Cœloque consecravit; Agnosco flagrum,  
 Quo ratio subigit membra, ne carnis vigor  
 Animo rebellet. Quidquid ex illo est super  
 scrutabor ore: Colligam laceras opes.  
 Dulces reliquæ, pectoris amantis pia  
 Monumenta, torques aurei, satellites

Men-

(a) Opem fugæ, & præsidium à Divinò Verbo  
 precatur. (b) Deiparam quoque conciliare vo-  
 luit studet.

Mentis pudicæ , Scelerum acerbi indices  
Mecum ite mecum . Jungere hos comites libet.

## S C E N A Q U I N T A .

*Gormandus , Boënuudus , Cratillus .*

*Gor.* **R** Edivina proles ora redivivi Patris (a)

Suspice , renati dirige incessum senis ,

Qui malè tot annos perdidit , & recens novam

Instituto vitam . Vivere incipio miser ,

Cum vita languet : Ultimos ævi dies

Numerare primos coger : ætatem ordior

Jam funeri maturus : exacto nihil

Vixisse prodest tempore : Superior fuit (hi !

Mea vita scelus. Heu quàm malè excideram mi-

*Bo.* Memorare cessa genitor exactos dies ,

Perfidia quos absumpsit . Haud restat brevis

Tibi vita , si nunc vivere incipias Deo . .

Æternitatem quod parit longum puta .

*Crat.* Satis est superque cursus annorum brevis ,

Peritura nunquam gaudia , perennes dies

Ut assequaris . Crimen elapsum potest

Stimulus amoris esse . Scit ferrum rude

Virtus in aurum vertere , & ab ipsa eruit ,

Labe medicinam *Gor.* Criminum pœnas adhuc

Nullas recepi . Timeo , ne vindex manus

Tonantis , in me fulmine trifulco irruat ;

Quamquam è ! Tonantis fulmine indignû reor

Infame caput hoc . Pœna me vilis premat

*Bo* Timor iste frustra est . Mitis ex equo est Deus

Cum punit , & cum parcit . Est potentior

Quacumque pœna pectoris amantis dolor .

Peccasse quem pœnituit , excussit scelus .

Hæc faustus hospes dicere haud rarò solet .

*Gor.* Ubi est salutis dulcis assertor meæ ?

*Bo.* Divina juvenem fertile ad Latii solum ,

Urbemque Sacram Romuli rapit Charis .

Ibi veteranus castra tyronum colet

Mi-

(a) *Aperit natis genitor susceptam à se sanio-rem mentem , Vitamque anteatiam execratur .*

Miles pudoris militum ; & curis procul  
 Ducet Serenos pacis in gremio dies .  
 Sed ecce tectis Paulus exportat pedem  
 similis furenti . Quid manu Schædam gerit ?

## S C E N A S E S T A .

*Paulus , Boëmundus , Cratillus , Gormandus .*

**P**roperate comites ; juvenis audacis fugam  
 Inhibete mecum . Siquid hospitii valet

Vomen verendum , si quam quos urget fides ,

Mei reprimite fratris effrenos gradus .

Præcipitis index comperi hoc folium fugæ .

Hanc ille nostro paginam liquit thoro .

Egone ut amici facinus oppugnem pium ,

Et Religionis nuper acceptæ immemor

Pro singulari munere rependam Scelus ?

Teutonica potius arua cæuleus Tybris

Lavet , & profundum Roma Danubium bib't ,

Quàm mea pudicum peccet in juvenem fides ,

A quo nefando nuper ereptus jugo

Luteri , & alma luce perfusus vagos

intra Salutis orbitam immisi gradus .

Tene o Sodalis virulentis faucibus

Luteridos Hydræ frater eripuit meus ?

Eripuit , & servavit . *Crat.* Illuxit Sacrum

Mihi quoque fidei per Stanislaum jubar .

Ille mea stygio corda subtraxit duci .

Divine juvenis ! Frater heu frustra innocens

Proh quantus es , quàm fortis in puero Gygas !

Quicumque fratris robur invictum tui

Non penitus obstupescit , in me lumina

Defigat avidus . Ego venenatis dolis

Tumidus , & arte Colchica in pueri caput

Acheronta movi . Vicit Acherontem puer

Intrepidus ; & me scelere perculsum gravi ,

In me aruentem funera , in stygios lacus ,

Fera provocantem fata restituit mihi ,

Cœloque peperit . Jamque Luteri horridam

Detestor , auctus mente meliori , Luem .

*Pa.*

**Pa.** Nunc omnis in me viadicis Olympi ruat  
 Frigor . Tonantis ira quid segnis jaces ?  
 Quin vile caput hoc turbine in festo petis ?  
 Preme , percutite , Feri ; Non potest in me tuum  
 Errare fulmen . Fratris hic pestem vides .  
 Egomet pudicum , sobrium , mitem , pium ,  
 Superis amicum , luce perfusum sacra ,  
 Intaminatum labe , prodigiis gravem  
 Immitis , excors , durus , Implacabilis  
 Fratrem Tyrannus expuli . Assultus meos ,  
 Meos furores fugit . Heu quæ nunc vagus  
 Deserta lustras loca peregrino pede ?  
 Ubi frater erras ? forsan immanis fera  
 Tuo cruore luit . O luctus patris !  
 Ocivium spes irrita ! O matris dolor !  
 O lux abacta patriæ ! o fratris scelus !

**Grat.** Fletus inanes amove , ac potius tuo  
 Gratulare fratri , vota qui cordis tenet .  
 Non ille te , sed gravibus effugit malis  
 Mundum scatentem . Roma terrarum caput  
 Juveni viarum est meta ; nec honorum fame  
 Stimulatus arces ille Romuleas petit ;  
 Sed amoris actus flamine . Ibi sacros colet  
 Jesu penates Cantabri miles Ducis .

**Pa.** Si vota cordis obtines frater , licet  
 Tibi gratulari jure . Tu Cælum rapis ,  
 Terram reliquis mihi ; Sed affectus meos  
 Ipse quoque ad Astra transferam . Tecum juvat  
 Sociare corda . Tendere in Cælum juvat .

**Gor.** Portenta rerum mira ! Perfidiam in fidem ;  
 Odium in amorem Numinis mutat manus .  
 Hospitia subeunt nostra concordi gradu  
 Religio , Pietas , Pax , Fides , Pudor , Salus .  
 Nos ergo tot cælestibus ovantes bonis  
 Festo colamus prosperum plausu Diem ,

F I N I S .

